

قِصَّه های

هزارگی

آفسانه های

آیزوپ پونانی

(کِتابِ اول)




شماره ۱۵

فرهاد زاهدی



# ① حِصَّه گی شیر

یک شیر قد یک رو باه، یک شَغال و یک  
گُرگ دَشِکار رَفت. اُونا تَلاش کده تَلاش کده  
تا که یک آهُوی نَر ره پَیدا کد و زُود اُوره  
کُشت. بسه سوال پَیدا شُد که ”چِه رقم ای لاش  
ره تَقسِیم کنی؟“ شیر گُفت:  
”ای ره چار تَقسِیم کنی.“



دِیگه  
حیوانا او  
ره پوست  
کده،  
قَیله  
قَیله کد و


دَ چار حِصّه تَقْسِيم کد. ازو پَس شير پِيش لاشه  
ایسته شُده نظريه خُو اعلان کد:

”حِصّه اول آزمه يه از خاطر ازی که ما  
پادشاه جَنگل آستم. حِصّه دُوم از مه يه از خاطر  
آزی که ما قاضی مُطلق از شُمو آستم. حِصّه سوم  
از مه يه از خاطر آزی که ای آهُوی نَره دَونده  
دَونده، ما گِرفتم. حِصّه چارم ره ما توخ مُونُم که  
کِي دِل ازی ره دره که پَنجه خُو بَلِه شی بیله.  
روباه غُر زده دُم خُوره مابَین پای خُو  
گِرفته رَفت و ناله کد:

”همف، همف... آره! مو دَ زامت شَريک آستِيه،  
ليکِن دَ طعمه حِصّه نَدرِه.“

# ۲ گُرگ و قوتو

یک گُرگ حَرِیصانه یک حَیوان ره که  
کُشته بُود، مُوخرود. یکدفه یک ریزه اِستُغودَ  
کَلْوک شی



بَند مَند.  
او نَتَنِست  
که اِستُغود  
ره قُرت  
کنه، چند

وخت بعد گُلُون شی زِیاد دَرد مُوكد و گُرگ ای سُو  
و او سُو مِیگشت و ناله مُوكد و بَلدِه یگو چِیز  
تلash کدکه دردِ گُلُون شی ره گُم کنه. از هر  
کس که قد شی دَ راه رُوی دَ رُوی مُوشُد درخاست  
مُوكد که اِستُغود ره از گُلُون شی بُور کنه. او

مۇڭفتى:

“هەر چىزى رە كە خوش تۇ أَماد ما تۇرە  
مېيدم، اگە فقط أَمى إِستغۇرە از گُلۇن مە بۇر  
كىنى.”

يىك قوتۇ قانىع شُد كە إِستغۇرە بۇر  
كىنه. او دَ گُرگ گُفت:

“تۇ دَ يىك بَغل خاو شۇ و دان خۇرە خۇب  
واز كىنو.”

بَعد ازۇ قوتۇ سَرخۇ دَ مَنِىھ كَٹۇكِ گُرگ درو كد  
و إِستغۇرە سُسْت كده بۇر كد.

قوتو پَس ازى كار گُرگ رە گُفت:  
“تۇ مەربانى كده أَمۇ جايىزە رە كە وَعده  
كده، بِيدى.”

گُرگ قاھ قاھ خَنده كده دَندون خۇ نِشۇ  
دده گُفت:

”مُطَمِّن باش! تُو كه سَر خُو دَ مَنِه كَلْوَكِ

گُرگ درُو كدي و جور و تَيَار پس بُور كدي

اونَمُو، جايِزه تُو أَسته.“

حَقْشِنَا سِي و حِرص يَك جَای جَمَع نَمُوشَه.

## ٣ مَرْتِيكَه و مَار

بچه يك مرتيكه دهاتى بىخېر از دنیا، دم  
يک مار ره لَغَد كد. مار او ره کند و او بچه مُرد.

آته ازو بچه تاوار خوره گرفته مار ره دوَنده

دوَنده گير كد


و دُم شى ره

مۇنىڭى كد. مار

بىلدىه پور

گرفتو از

مرتيكه



چندىن گو و گوسپون ازو ره کندە كُشت و

بىسياز تاوان دا ازو رسند. دىغۇ قد خۇ فىكر كد

كە "باید رابطە خوره قد مار خوب كىم."

بىلدىه آزى كار او يك مقدار نان و عسل ره گرفته

دَ دانِ غارِ مار بُرد و او ره گُفت:

”بيه که کينه ره پرمشت کني و

يکديگه خوره بُبخشى. تُو حق داشتى که بچه  
ازمه ره جزا دده بُكشى و پور خواز مال و گواز  
مه بِگيرى. دَ حقِيقَت ما هم حق داشتم که از تُو  
انتقام بِگيرم. آلى که مو هر دو باید اطمِنان  
داشته بشى که دشمن نیستى. آيا مو میتنى  
که قد يکديگه خورفیق بشى؟“

مار گُفت:

”نه نه، اي هديه خوره گرفته بُبر. تُو  
ايچ وخت مرگِ بچه خوره پرمشت نميتنى و ما دُم  
خوره.“

زخم ميتنه که بخشيده شنَه ليکِن  
پرمشت نموشَه.

## مُوشِ شاری و مُوشِ دِهاتی

آلی باید ای ره بُفامی که یک زمان یک  
مُوشِ شاری بَلده مُلاقاتِ بوله خُود دِهات رفت.

مُوشِ شاری زیاد

مَغُرُور و بَدْخُوی

بُود. مَگر بوله

شی او ره زیاد

خوش دَشت و او ره

آز تای دِل خوش



آمد گُفت و بَلده شی لوبیا، قدِید، پَنیر و نان

سَرِ دِسترخو اُورده دَ نهایت خُوبی پیش شی تیار

کد. مَگر مُوشِ شاری قد خَنْتُومایله سُونِ نان

بِینی خُوبال گِرفته گُفت:

”بولی جان! ما خُوايچ نَمُوفامم، تُو چُطُور

میتَنی که ای نانِ فَقِیرانه ره مَیل کَنی. اَرِه  
تُو دَ اِی دِهات آزی کده نانِ بِهتر پَیدا نَمیتَنی؟  
اَگه قَد آز مه بوری ما تُو ره نِشو مِیدیم که چِه  
رقم کَس بايَد زِندگی کنه. اَگه تُو يک هفتَه دَ  
شار بُمنی، تَعْجُب مُونی که چُطُور دَ اِی دِهات  
زِندگی تَنِستِه.

وَختی ای گپ شُد هر دُوی شی سُونِ شار رَیسِی  
شُد و تا نِیمِه شاو دَ اُونجی رَسِید. مُوشِ شاری دَ  
احِترام گُفت:

”تُو دَ يک نانِ خوشَمَزه پَس آز سَفر که تُو  
ره خُوب مَنده کده ضرُورت درِه، که مَنده کی تُوره  
آز بَیِن بُبره.“

مُوشِ شاری بولِه خُوره دَ يک اُتاقِ نانِ  
خُوری کَله و عَظِيم بُرد و نانِ باقی مَنده ره  
پَیدا کد. هَر دُو مُوشِ کیک و کُلچه و تمامِ

خوردنی های خوشمزه ره خورد. یکدفه اونا آوازِ

غَوغَوْ شِنِيد. مُوشِ دِهاتی پُرسِید:

“ای چِيز آسته؟”

مُوشِ شاری گُفت:

“ای فَقط سگِ خانه آسته!”

مُوشِ دِهاتی گُفت:

“فَقط سگ؟!... ما ای رَقم مُوسِيقی ره دَ

وختِ نانِ شاو خوش نَدرُم!”

پس از چند لَحظه دروازه واژ شُد، دُو سگِ

کَطِه بَد قَواره آماد. آر دُو مُوش شُروع دَ تُوتا کد

و مُوشِ دِهاتی گُفت:

“خدا حافظ بولَی جان.”

مُوشِ شاری پُرسِید:

“چَره ایقس چابُوك مُوری؟”

مُوشِ دِهاتی جواب دد:

”خوردون لوبیا و قدید د آرامی بھتر از خوردون  
کیک و کلچه د ترس آسته.“

## ⑤ زاغچی و روباء

يَكْدِفَه يَكْ روباء، يَكْ زاغچی ره دَ حال  
پَرَواز دِيد که يَكْ تِيكَه پَنِير ره دَ قوشون خُ  
گِرفته رَفت بَلِه يَكْ شاخِه درخت شِيشت. روباء



دَ دِل خُو گُفت:

”اَيْ پَنِير بَلدِه  
اَزمه بايَد باشه که ما

روباء أَسْتُم.“

أُو قَدَم زَدَه خَود

خُو دَ تَای درخت رَسَنَدَه  
گُفت:

”روز بَخِير

زاغچی خانُم، اِمروز شُمو چِقس خُوب مَعْلُوم مُوشِيد!  
چِقس پَرَهَاي تُو جَلْجَلِي يَه، چِيم تُو چِقس روشنى


آسته! آواز تُو از دِیگه مُرغکو کده حَتماً خُوبتر  
و شِیرین تر آسته، آمُورَقْم که آندام تُو خوشنُما  
یه؛ زیاد نه فَقط یک بَیت اَگه بَلَدِه اَز مه  
بِخانی، تا ما تُوره مَلِکِه مُرغکو حِساب کَنْم. ”  
زاغچی سَرْخُوتا کد و بَعْد اَز یک لَحظه  
نُول خُوره واز کد که آواز بِخوانه، یک دم پَنِیر  
از نُول شی دَزمِین تا پَرِید. رو باه زُود پَنِیر ره  
چُور کد و گُفت:

”ای خُوب شُد، ما اینَمی ره میخاستُم. دَ بدلِ  
آزی پَنِیر ما تُوره یک نَصِيحَت مُونُم که دَ  
آینده بَلَدِه ثُوكار بَايه:

”دَ چاپلوس ایچ وَخت اعتبار نَکُو.“

## ٦ شیر ناجور

یک شیر د وخت ناجوری از غار خو بُور شُدد  
که نَفس تازه کنه. او د حالِ مَرگ بُود. دِیگه  
حَیوانایی که



شیر اونا ره  
شِکار مُوكد  
دَورِ شیر جَمع  
شُدد. شیر  
لَحظه د لَحظه

حال شی بدتر شُده مورفت. وختی اونا شیر ره د  
حالِ مَرگ دید قد یکدیگه خو گُفت:  
”آلی وخت آزی رَسِیده که شیر باید حِساب  
پَس بِیدیه.“

خِرس سُون شی آماد و او ره دندو گِرفت،


نَرَگَوَ أَمَادُوْ ره شاخ زد. تيسه شير دَ حَالِ مَرَگ  
بُود و بيلار افتيد. خَر كه فامييد آز خَطَر بُور  
آسته رَفت دُم خُو سُونِ شير چَرخ دد و چَند لَغَدِ  
ماکَم دَ روی شى زد. شير قد خود خُو ناله کد:  
”ايِ دَ مرگ خُو مُردو يه.“

فَقَطِ بُزِ دِلو آسته که بُزْرَگووارا ره دَ وختِ مَرَگ  
تَوهين مُونه.

## ٧ خَر و سَكَ

يک روز يك آرباب د طبیله خو آماد که  
حیوانایی بار کش شی امونجی بود. د بَینِ

حَيواناًيِ اَزوُ  
يک خَر بُود که  
او ره زیاد خوش  
دَشت و او ره  
خُوب آو و عَلْف  
مِيدَد و خَر  
سُواری شی بُود.  
سَكِ آرباب هم



قَد شی آماد و رقص مُوكد، و گرد خوندِه خو ٹوب  
ٹوب کده قِيرد و خيز کده خوشحالی مُوكد.  
آرباب دست خوره د جیب خو کده يگو چِيزِ

خوردنی خوشمزه بَلَدِه سگ بُور کده پیش شی  
پورته کد.



او دَ سِرِ زمِینای  
خُوتا شُد و دَ یک  
کَمر شِيشته  
کارگرای خُوره اَمر  
دد که کار کنه. سگ  
ٹوپ کده دَ بَغل

خوندِه خُوشِيشت و خوندِه شی سر آزو ره لَخشم  
مُوكد.


خر که ای چِيزا ره دِيد خود خُوره از او خور  
ایله کده شُروع دَ قِيرد و لَغد کد و خود خُوره  
سگ الّی مُوكد. خوندِه شی از خَنده، خود خُ  
گِرفته نَمیتَنِست. خَرفت که سگ الّی دَ بَغل  
خوندِه خُوبِشه، پایای خُوره دَ بَغل خوندِه خُ

ایشت. نوکرای ارباب قد سوژه و چرشاخ د جان  
خَر ایله شُد و او ره یاد دد که:

”مسخرگی و بی تربیه گی مزاغ شده نمیتنه.“

## ۸ شیر و مُوش

یک وَخت یک شیر دَ کَمر خاو کدَ که یک  
مُوش بَلِه پُشت شی ٹوپ ٹوپ کده تا و بال  
مورَفت. شیر از ٹوپ ٹوپ ازو بیدار شُد و مُوش ره  
دَ تای پَنجه خُو گِرفت  
و دان خُو واز کد که او  
ره نوش جان کنه.



مُوش جِیغ زد:  
”او پادشاه  
بُبخشی، اِم دفعه مَره  
بُبخشی. ما اِی احسانِ از تُوره ایچ وَخت پُرمُشت  
نَمُونُم. کَی مُوفامه که یک روز ما دَ کارِ از تُو  
نِیمسو نَشُنم.“


شیر اَزی توره مُوش خوش شی آماد و پَنجه

خُوره بال کد و مُوش ره ایله دد و مُوش رفت. یک زمان دیگه شیر دجال بَند مَنند و شِکارچیا کوشش کدد که او ره زِنده دپیش پادشاه خُبُرره. پس اونا او ره دیک درخت بَسته کده و رفتَد که یگو چیز بلده بُردون شیر بَیره. مُوش اتفاقی ازُونجی تیر مُوشُد، شیر ره دید که دحال بَد مَنیه جال بَند مَنده. مُوش رفت و تارای جال ره خیده مُونٹی کد و شیر، پادشای جنگل ره آز قَید و بَند آزاد کد. مُوش شیر ره گفت:  
”مه راست نگفتم که یک روز دکار تُو  
نیمسو مُوشم؟

دوست چُوقنی میتنه که یک دوست قدرتمند شُننه.

## ٩ قَرْقُولَاد و دِيَگَه مُرغَكُو

يىك وَخت، يىك دىيغۇ تُخُم لُوخ رە بَلِه يىك زمِين كِشت مُوكد. دَمُونجى يىك قَرْقُولَاد قد



دِيَگَه مُرغَكُو  
دانه مِيچِيد و  
مُوحورد.  
قَرْقُولَاد كَه  
دىيغۇ رە دِيد،  
رُوى خُو سُون  
دِيَگَه مُرغَكُو  
كَده گُفت:

“أَزى مَرْتِيكَه اِحتِياط كَنِيد.”

دِيَگَه مُرغَكُو پُرسِيد:  
“چَرَه، اِي دىيغۇ چِيز كَار مُونَه؟”

قرقۇلاد گفت:

” او تۇخىم لۇخ رە دەزمىن كىشت مۇنە،  
هوشىار بىشىد و هەر دانىھ لۇخ رە آز زمىن جەمع  
كىنىد، آگە نە پېشىمو مۇشىد.“

دىيگە مۇرغىكىو دە تورە قرقۇلاد اىچ اعتىنا  
نەكىد. لۇخ آھىستە آھىستە سوپىھ كە كە كە شۇد،  
تا كە دىيغۇ او رە درۆكەدە ازۇ تار جور كە دە آز  
تار جال جور كە.


مۇرغىكىو كە آز ناصىحەت قرقۇلاد بد بىردا  
بۇد كۈل شى مانىھ جال بىند مەند كە آز لۇخ جور  
شۇدد. قرقۇلاد كە اونا رە دىيدىگفت:  
”شۇمۇرە نىڭفتە بۇدۇم؟“

تۇخىم فېيتىنە رە خېشكىنىد، آگە نە كە شۇنە  
شۇمۇرە تباھ مۇنە.

# ١٠ دَرخاستِ قوقريا بَلده

## يک شَهْنَشاھ

دَ يك كَنْداوى يك بُلۇگ قوقرى زِندگى  
مُوكد كه زِندگى ازُونا مُطابِق دِل شى پيش



مورَفت و أونا آز  
زِندگى خُو خوش  
بُود. أونا بى بِيم  
آز كُدم كَس دَ بَينِ  
آو چَچلى كده  
مَستى مُوكد و ايج  
كَس أونا ره آزار

نَمى دد و مُزاھِم نُموشُد. مَگر بَعْضى شى  
گُفت كه:


”اي صَحِيح نِيه، مو اي زِندگى ره خوش

ندره. مو بايد يك حاكم دشته بشى كه بـلـدـه  
آـزمـوـ قـانـونـ أـسـاسـيـ جـورـ كـنهـ. بـلـدـهـ آـزـىـ مـقـصـدـ  
تـصـمـيمـ گـرـفتـ كـهـ يـكـ درـخـاستـ دـپـيـشـ شـهـنـشاـهـ  
رـيـيـ كـنهـ:

”شـهـنـشاـهـ قـدـرـتـمـنـدـاـ! دـزـموـ يـكـ حـاـكـمـ  
قـدـرـتـمـنـدـ رـيـيـ كـوـ كـهـ بـلـدـهـ آـزمـوـ قـانـونـ جـورـ كـنهـ  
و سـرـ آـزمـوـ حـكـومـتـ كـنهـ.“

شـهـنـشاـهـ سـرـ بـُودـ بـُودـ اـزـوـناـ خـنـدهـ كـدـهـ يـكـ  
كـُونـڈـهـ چـوـرهـ رـيـيـ كـدـ. كـُونـڈـهـ چـوـ دـ بـيـنـ آـوـ تـاـ  
پـرـيـدـ وـ جـلـجـلـوـغـ كـدـهـ پـيـشـ يـكـ بـُلـوـگـ قـوقـريـ  
رـفـتـ. وـخـتـىـ دـ بـيـنـ قـوقـريـاـ رـسـيـدـ، نـيـزـ دـيـكـ بـُودـ  
كـهـ قـوقـريـاـ آـزـ تـرـسـ زـرـتـرـقـ شـنـهـ. كـُلـ قـوقـريـاـ  
سـُونـ بـُرـونـ آـوـ دـوـتاـ كـدـ وـ اـيـسـتاـ شـدـهـ پـسـ سـُونـ  
اـزـوـ بـلـايـيـ وـحـشـتـنـاـكـ توـخـ كـدـ. مـكـرـ آـمـوـ اـيـچـ آـزـ  
جـايـ خـوـ شـورـ نـخـورـدـ تـاـكـهـ يـكـ دـوـ قـوقـريـ دـلـ كـدـ

که سُون شی بوره حَتا دلیری کده او ره دِست  
 بِزِنه. او ایچ حَرکت نَکد، تا که یکی از دَلیر  
 ترِین قوقری ها بَلِه کُنْدِه کَله ٹُوب کده شُروع  
 دَ ٹُوب ٹُوب کدو و  
 رَقص کد. بَعد ازو  
 دِیگای شی هم بَلِه چو  
 بُور شُدَه شُروع دَ رَقص  
 کدو و ٹُوب و خیز  
 کد.



گَلِه قوقری رقمِ  
 همیشه الّی دَ زِندگی  
 خُوادامه دده دَ کوندِه

چو ایچ تَوَجُه نَدَشت، تا ای که قوقریا آزی حاکم  
 و حُکُومت شی ایچ خوش نَشُد. بسم یک درخاست  
 دِیگه بَلَدِه شَهَنَشاھ رَیی کد و احوال دد که:

”مو يك حاکِم اصلی می خاهى كه سر آزمو  
صحیح حاکِمیت كنه.“

إي کار شَهْنَشَاه ره زِياد قار کد. اِيمَدَّه او يك  
دنه ماھی خورَك يعني چِيلو ره رَيَى کد که اُونا  
ره دانه دانه مُوخورَد. قوقريا پِشَيمو شُدد مَگَر  
فايده نکد. چره که بسياري ازُونا خورده شُدد.

نَبُودُونِ يك حُكُومَت، بِهٗتر از حُكُومَتِ  
ظالِمانَه آستَه.

## فُلْهَر سِت

۱	حِصَه گی شیر
۳	گُرگ و قوتو
۶	مَرْتِيکه و مار
۸	مُوشِ شاری و مُوشِ دِيهاتی
۱۲	زاغچی و روباه
۱۳	شیرناجور
۱۶	خر و سگ
۱۹	شیر و مُوش
۲۱	قرَقُولاد و دِیگه مُرغکو
۲۳	درخواستِ قوقريا بَلَدِه
	دَشتونِ يك پادشاه
	ای کِتاب ڈلهجه هزارگی نوشه شُدہ و بخصوص برای سواد آموزی

## مشخصات کتاب

نام کتاب:	افسانه های آیزوپ (۱)
نویسنده:	آیزوپ یونانی
ترجمه:	فرهاد زاهدی
ناشر:	موسسه سواد آموزی و فرهنگی هزارگی
رسام:	فرهاد زاهدی
نوبت چاپ:	انترنیت (پی دی ایف)
تاریخ:	(۱۳۹۴) ۲۰۱۵

### Book Information:

*Book Title:* “Aesop’s Fables” (selection #1)

*Autothor:* Aesop

*Translation:* Farhad Zahidi

*Publisher:* Hazaragi Literacy & Culture Organization

*Illustrations:* Farhad Zahidi

*Edition:* e-book (pdf)

*Year of publication:* 2015 A.D./ 1394 A.H.



موسیسه سواد آموزی و فرهنگی هزاره گی